



Broj/Број: 01/2a-50-1-2-5/07
Sarajevo/Сарајево, 23.04.2007.

ZAPISNIK

5. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 11. i 12. 04.2007. godine

Sjednica je 11.04.2007. počela u 13 sati i vodio ju je predsjednik Komisije Slavko Matić.

Sjednici su prisustvovali sljedeći članovi Komisije: Slavko Matić, Azra Hadžiahmetović, Denis Bećirović, Azra Alajbegović, Sadik Ahmetović, Husein Nanić, Sefer Halilović, te Merdžana Iglica – sekretar Komisije.

Svoje odsustvo su opravdali Milica Marković i Milorad Živković.

Sjednici su prisustvovali i pozvani gosti i predstavnici predlagača: Ismet Šečić, ispred Ministarstva komunikacija i prometa BiH i Davorka Lasica, ispred Ministarstva vanjske trgovine i ekonomskih odnosa BiH.

Sjednici su prisustvovali i Nina Šandrk, savjetnik pri programu podrške Parlamentu misije OSCE-a u BiH, kao i Ahmed Rifatbegović, koordinator za parlamentarni program NDI-a (Nacionalnog demokratskog instituta za međunarodne poslove) u BiH.

Zapisnik je vodila Merdžana Iglica, sekretar Komisije.

Predsjednik Komisije je predložio sljedeći

DNEVNI RED

- 1) Verificiranje Zapisnika 4. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 27. 3. 2007. godine;
- 2) Davanje suglasnosti za ratificiranje Sporazuma o zračnom saobraćaju između Vijeća ministara Bosne i Hercegovine i Vijeća ministara Republike Albanije (Predlagatelj: Ministarstvo komunikacija i prometa BiH);
- 3) Davanje suglasnosti za ratificiranje Ženevskog akta haškog sporazuma o međunarodnoj registraciji industrijskog dizajna (2.7.1999. godine) (Predlagatelj: Ministarstvo vanjske trgovine i ekonomskih odnosa BiH);
- 4) Davanje suglasnosti za ratificiranje Sporazuma između Vijeća ministara Bosne i Hercegovine i Vlade Republike Slovenije o policijskoj suradnji (Predlagatelj: Ministarstvo sigurnosti BiH);
- 5) Davanje suglasnosti za ratificiranje Sporazuma o suradnji između Vijeća ministara Bosne i Hercegovine i Vlade Republike Italije u području borbe protiv organiziranog kriminala (Predlagatelj: Ministarstvo sigurnosti BiH);
- 6) Davanje suglasnosti za ratificiranje Sporazuma između Vijeća ministara Bosne i Hercegovine i Vlade Islamske Republike Iran o suradnji u oblasti sigurnosti (Predlagatelj: Ministarstvo sigurnosti BiH);
- 7) Davanje suglasnosti za ratificiranje Sporazuma o socijalnom osiguranju između Bosne i Hercegovine i Republike Slovenije (Predlagatelj: Ministarstvo civilnih poslova BiH);

- 8) Davanje suglasnosti za ratificiranje Sporazuma između Bosne i Hercegovine i Srbije i Crne Gore o pojednostavljenom postupku prometa ljudi i roba na graničnim prijelazima Uvac – Uvac i Ustibar – Vagan (Predlagatelj: Ministarstvo civilnih poslova BiH);
- 9) Davanje suglasnosti za ratificiranje Sporazuma o određivanju graničnih prelaza između Bosne i Hercegovine i Srbije i Crne Gore (Predlagatelj: Ministarstvo civilnih poslova BiH);
- 10) Davanje suglasnosti za ratificiranje Sporazuma između Bosne i Hercegovine i Srbije i Crne Gore o pograničnom saobraćaju (Predlagatelj: Ministarstvo civilnih poslova BiH);
- 11) Zabilješka sa sastanka predsjedatelja Povjerenstva za vanjske poslove i nerezidentnog estonskog veleposlanika u BiH;
- 12) Zabilješka sa sastanka predsjedatelja Povjerenstva za vanjske poslove i izaslanstva Ministarstva vanjskih poslova Češke Republike;
- 13) Upoznavanje Povjerenstva za vanjske poslove sa pismom članova Državnog povjerenstva za granice iz reda srpskog naroda; (materijal upućen od strane predsjedatelja Zastupničkog doma Povjerenstvu za vanjske poslove na dalji postupak);
- 14) Tekuća pitanja.

Prijedlog dnevnog reda usvojen je jednoglasno.

Ad.-1. Verificiranje Zapisnika 4. sjednice Komisije za vanjske poslove

Nije bilo rasprave i zapisnik je jednoglasno usvojen sa primjedbom Azre Hadžiahmetović koja je prethodno unesena u zapisnik.

Ad.-2. Davanje suglasnosti za ratificiranje Sporazuma o zračnom saobraćaju između Vijeća ministara Bosne i Hercegovine i Vijeća ministara Republike Albanije (Predlagatelj: Ministarstvo komunikacija i prometa BiH);

Ismet Šečić, koji je u ime predlagatelja, Ministarstva komunikacija i prometa BiH, dao uvodne napomene o ovom sporazumu, upoznao je članove Komisije da je predmetni sporazum potpisan u Tirani, još početkom 2004.godine i da spada u red standardnih bilateralnih sporazuma o zračnom prometu koji se temelji na odredbama Konvencije o međunarodnom civilnom zrakoplovstvu. Napomenuo je da zračne operacije između BiH i Albanije još nisu započele, te preporučio da Komisija da prethodnu suglasnost za ratificiranje ovog sporazuma. Rasprave i pitanja nije bilo, te je suglasnost na ovaj sporazum data jednoglasno.

Ad.-3. Davanje suglasnosti za ratificiranje Ženevskog akta haškog sporazuma o međunarodnoj registraciji industrijskog dizajna (2.7.1999. godine) (Predlagatelj: Ministarstvo vanjske trgovine i ekonomskih odnosa BiH);

Predstavnica predlagatelja, Ministarstva vanjske trgovine i ekonomskih odnosa BiH, Davorka Lasica je u uvodnim napomenama objasnila da ovaj akt datira još iz 1999.godine, a Predsjedništvo BiH je krajem 2005.godine donijelo odluku o pristupanju BiH Ženevskom aktu haškog sporazuma o međunarodnoj registraciji industrijskog dizajna. Nakon preporuke za davanje suglasnosti za njegovo ratificiranje, Komisija je jednoglasno dala svoju prethodnu suglasnost.

Ad.- 4. do Ad.-10.

Kako na sjednicu Komisije, i pored urednih poziva, nisu došli predstavnici nadležnih ministarstava, kao ni predstavnici iz Ministarstva vanjskih poslova BiH, članovi Komisije su odlučili da se tačke dnevnog reda od 4. do 10., skinu s dnevnog reda, te su se složili da se Kolegiju Zastupničkog doma PSBiH i Vijeću ministara BiH uputi dopis sa objašnjenjem zašto nisu razmatrane prethodne tačke dnevnog reda. Nakon intervencije Huseina Nanića da se na ratifikaciju nekih od spomenutih sporazuma već dugo čeka, te da će se oni naći na sjednici Zastupničkog doma koja je zakazana za sutradan, 12.04.2007.godine, Slavko Matić je dao prijedlog da se, ukoliko se steknu uvjeti i predstavnici predlagatelja budu prisutni, sjednica Komisije održi u nekoj od pauza sjednice doma, a na njoj bi se dala suglasnost za ratificiranje i ostalih sporazuma. Ovaj prijedlog prihvaćen je jednoglasno.

Ad.-11. Ad.-12. Ad.-13.

Dvije zabilješke i pismo koje se našlo na dnevnom redu sjednice Komisije su bili informativnog karaktera za članove Komisije, a povodom tačke 13., pisma članova Državnog povjerenstva za granice iz reda srpskog naroda, Azra Hadžiahmetović je istakla da se radi o Sporazumu koji nije ratificiran ni od strane BiH, a niti od Republike Hrvatske, te da nije svrsishodno da se Komisija o ovome određuje, pogotovo što je tih dana u posjetu BiH dolazio premijer RH, Ivo Sanader, sa kojim je raspravljano, između ostalog, i o tom pitanju.

Ovaj prijedlog su članovi Komisije su jednoglasno podržali.

Ad.-14.

Pod tekućim pitanjima, članovima Komisije se obratio Ahmed Rifatbegović, koordinator za parlamentarni program NDI-a (Nacionalnog demokratskog instituta za međunarodne poslove) u BiH i upoznao ih sa programima stažiranja koje NDI već određeni niz godina sprovodi u PSBiH i entitetskim parlamentima, po kojima studenti završnih godina fakulteta društvenog smjera dolaze na stažiranje u Sekretarijat PSBiH kako bi, pomažući sekretarima komisija stekli znanje i iskustvo u radu u državnoj službi, dragocjeno za njihov budući radni angažman. Zatim je članove Komisije upoznao sa planiranom serijom konsultacija i seminara sa parlamentarcima i sekretarima komisija, kao i administrativnim osobljem u parlamentima, ali i značaju edukativnih programa koji bi bili organizirani od strane parlamenata nekih zapadnih zemalja, Evropskog parlamenta u Bruxellesu i Strasbourgu, itd. O svim konkretnim aktivnostima u tom smjeru najavio je blagovremeno upoznavanje i konsultacije.

Kako je ovim bio iscrpljen dnevni red, sjednica je završila svoj rad u 13h40.

Kako je bilo i dogovoreno, a zbog uvrštavanja na dnevni red sjednice Zastupničkog doma tačaka dnevnog reda koje nisu razmatrane prethodnog dana, 5. sjednica Komisije za vanjske poslove Zastupničkog doma nastavila je svoj rad 12.04.2007.godine u 12h.

Nastavku sjednice je bilo prisutno 8 članova Komisije, dok je Azra Hadžiahmetović opravdala svoj izostanak zbog ranije dogovorenog sastanka sa predstavnicima OSCE-a.

Sjednici su prisustvovali i predstavnici predlagatelja: Samir Rizvo, ispred Ministarstva sigurnosti BiH, Damir Dizdarević i Haris Čengiđ ispred Ministarstva civilnih poslova BiH, te Radomir Bogdanović, predstavnik Ministarstva vanjskih poslova BiH.

Za sjednicu je predložen dnevni red sa tačkama koje nisu završene tokom redovne 5. sjednice i to:

DNEVNI RED

- 1) Davanje suglasnosti za ratificiranje Sporazuma između Vijeća ministara Bosne i Hercegovine i Vlade Republike Slovenije o policijskoj suradnji (Predlagatelj: Ministarstvo sigurnosti BiH);
- 2) Davanje suglasnosti za ratificiranje Sporazuma o suradnji između Vijeća ministara Bosne i Hercegovine i Vlade Republike Italije u području borbe protiv organiziranog kriminala (Predlagatelj: Ministarstvo sigurnosti BiH);
- 3) Davanje suglasnosti za ratificiranje Sporazuma između Vijeća ministara Bosne i Hercegovine i Vlade Islamske Republike Iran o suradnji u oblasti sigurnosti (Predlagatelj: Ministarstvo sigurnosti BiH);
- 4) Davanje suglasnosti za ratificiranje Sporazuma o socijalnom osiguranju između Bosne i Hercegovine i Republike Slovenije (Predlagatelj: Ministarstvo civilnih poslova BiH);
- 5) Davanje suglasnosti za ratificiranje Sporazuma između Bosne i Hercegovine i Srbije i Crne Gore o pojednostavljenom postupku prometa ljudi i roba na graničnim prijelazima Uvac – Uvac i Ustibar – Vagan (Predlagatelj: Ministarstvo civilnih poslova BiH);
- 6) Davanje suglasnosti za ratificiranje Sporazuma o određivanju graničnih prelaza između Bosne i Hercegovine i Srbije i Crne Gore (Predlagatelj: Ministarstvo civilnih poslova BiH);
- 7) Davanje suglasnosti za ratificiranje Sporazuma između Bosne i Hercegovine i Srbije i Crne Gore o pograničnom saobraćaju (Predlagatelj: Ministarstvo civilnih poslova BiH);

Sjednicu je otvorio predsjednik Komisije, Slavko Matić. U uvodnoj riječi dao je objašnjenje zbog nastavka 5. redovne sjednice na kojoj je data saglasnost za dva sporazuma, a sedam ih je ostalo za nastavak sjednice.

Ad.-1. Ad.-2. Ad.-3.

Izvjestilac za ova tri sporazuma, Samir Rizvo, istakao je kako se se radi o sličnim sporazumima, te da se ovim putem stvara okvir za bolju policijsku suradnju i suradnju u borbi protiv terorizma. Iz MVP BiH su potvrdili da je pravna procedura zadovoljena, da sporazumi imaju saglasnost nadležnih organa, kao i da se predlaže njihovo usvajanje od strane Komisije. Zatim je Milorad Živković postavio pitanje vezano za problem odlaganja određenih ratifikacija, odnosno, zašto je, recimo, sporazum sa Italijom čekao 5 godina na ratifikaciju. Izvjestilac je odgovorio da je sporazum zaključen prije formiranja određenih institucija iz domena borbe protiv organizovanog kriminala, a iz MVP BiH su dodali da nije bilo odluke Predsjedništva BiH, te da je odluka, čim je donesena, odmah prosljeđena MVP BiH na dalje postupanje. Problem kašnjenja ratifikacija je ponekad vezan i za čekanje da se obavi ratifikacija i u drugoj zemlji. Potom je g. Živković dao prijedlog da se napravi pregled svih sporazuma i ugovora koje je BiH dosada ratifikovala, kao i da li je to učinjeno od strane druge države i kada. Na ovo je predstavnik MVP BiH odgovorio da do prije pola godine nijedan takav podatak nije bio u bazi podataka, a da danas imaju već oko 5.000 sporazuma i ugovora registrovano u svojoj bazi podataka. Dodao je i da će sve informacije biti dostupne na website-u MVP-a BiH po datumu ratifikacije, te da će biti dostavljene i Komisiji, a BiH će napokon imati i depozitara međunarodnih ugovora. Denis Bećirović je potom zatražio da se ovom zaključku o pregledu ratificiranih i neratificiranih sporazuma doda još i zahtjev da se Komisiji dostavi prijedlog Zakona o vršenju vanjskih poslova BiH,

kao i da se eventualno ubrza procedura vezana za taj zakon ukoliko je potrebno. Milorad Živković je dodao kako bi to trebala biti tačka dnevnog reda neke od sljedećih sjednica Komisije. Husein Nanić je također predložio da se obezbijedi prisutnost predlagača iz Predsjedništva BiH na sjednicama.

Potom je za sva tri sporazuma jednoglasno data saglasnost za ratificiranje.

Ad.-4. Davanje suglasnosti za ratificiranje Sporazuma o socijalnom osiguranju između Bosne i Hercegovine i Republike Slovenije (Predlagatelj: Ministarstvo civilnih poslova BiH);

Izvjestilac Ministarstva civilnih poslova BiH, Damir Dizdarević je istakao kako su pregovori za zaključenje ovog sporazuma završeni još prije 4 godine, da je od slovenačke strane zavisilo kada će se on potpisati, te da je 09.03.2007. ugovor parafiran u Ljubljani i to nakon 6 krugova stručnog savjetovanja ekspertnih delegacija. Podsjetio je i na hitnost ratificiranja ovog sporazuma zbog neriješenih pitanja socijalnog osiguranja između BiH i Slovenije. Husein Nanić je postavio pitanje da li smo tehnički spremni da ovaj sporazum implementiramo, na šta je izvjestilac odgovorio da ne bi trebalo biti nikakvih problema, jer se najviše radi o penzionerskom i zdravstvenom osiguranju, da su stručnjaci iz entiteta učestvovali u pregovorima, tako da ne bi trebalo biti prepreka tokom same implementacije. Radomir Bogdanović iz MVP-a BiH je dodao da je ovdje bila izuzetno važna uloga parlamentaraca koji su se zalagali za potpisivanje i ratificiranje ovog sporazuma jer je Slovenija previše odugovlačila, pa je bila potrebna intervencija u bilateralnim susretima sa predstavnicima zakonodavne i izvršne vlasti ove države.

Zatim je na ovaj sporazum jednoglasno data saglasnost za ratificiranje.

Ad.-5. Ad.-6. Ad.-7.

Izvjestilac Ministarstva civilnih poslova BiH, Haris Čengić, objedinjeno je govorio o ova tri sporazuma. On je istakao kako se u sva tri slučaja radi više o tehničkim pitanjima, da su sva tri sporazuma potpisana u paketu 24.02.2005., da je zatim došlo do disolucije državne zajednice SCG, pri čemu je Srbija nastavila kontinuitet državne zajednice pa je zato potrebno sporazume ponovo potvrditi i sa Crnom Gorom. Iz MVP-a BiH je naglašeno da se sporazum neće mijenjati, samo će se nastaviti oni sporazumi i ona suradnja koja ne bi išla na štetu Crnoj Gori, te da će u nazivu sporazuma ostati SCG, pa će se kasnije mijenjati ime, ali sporazum ostaje isti. Zatim je data saglasnost za ova tri sporazuma i to jednoglasno.

Zaključujući sjednicu, još jednom je ponovljen zaključak da Predsjedništvu BiH i MVP BiH treba uputiti dopis kojim se traži pregled ratificiranih i neratificiranih sporazuma BiH, te prijedlog zakona o vršenju vanjskih poslova BiH. Predstavnik MVP BiH je potvrdio da to neće biti problem, iako trenutno ima 4.750 sporazuma, ali da se može napraviti kraća i sažetija informacija/tabela sa osnovnim podacima za potrebe Komisije. Takođe je ponovo rečeno da će te informacije biti dostupne i na website-u za nekih 15-ak dana.

Sjednica je potom završila svoj rad u 12h40.

SEKRETAR
KOMISIJE ZA VANJSKE POSLOVE
Merdžana Iglica

PREDSJEDATELJ
KOMISIJE ZA VANJSKE POSLOVE
Slavko Matić

Kopija: MVP-u BiH